

永樂大典

卷一萬三千四百

九十九

永樂大典卷之一萬三千四百九十九

二真

制 除官制二

宋劉放彭城集承議郎光祿寺丞王愈可太常博士宣德郎呂由使可光祿寺丞承奉郎王存可太常寺大祝制 具官某等九卿之屬效職筆數皆朝廷之精選而養材待用之地也以愈學術通敏究知今古使為博士可以綜練禮文以由使持身謹飾紹其家世使丞光祿可以仗助卿事以持幼壯好學傳其父書使為祝官可以陳信正辭並承休命所思圖報可胡文恭公集邢夢臣可秘書丞韓公彥徐總可並光祿寺丞杜子才可太常寺大祝制 初具官某等朕分建庶工參濟群務謹旌陟之法示開勸之方計勞以升限年為得以爾等或拔自俊茂或蔭諸高華率用才資雜治邑局所至職辦乃今官成稽參應書差次更秩進丞中秘豫屬內卿逮於祝史之職胥服王官之次咸思自效勿廢事修 孫葉可大理寺丞軍鼎可太常寺大祝制 初具官某等奮跡蔭格服在京職臨宰右蜀之民典幹別都之節越從官次列上手勳適敷泛勸之方爰用稍遷之法識丞進

永樂大典卷之一萬三千四百九十九

秩祝史陞名尚服箴言交修節素 實彤王穆可並秘書丞俞希及可太常寺大祝制 初某等或以才令之選策於時髦或以諷訓之修育自門于來試以事往服厥官列郡之政脩有司之職舉歲勞均著朝賞懋推宜承本省之清往虔祝莫之告勉而端節服我褒恩洪平齋集門下省檢正諸房公事辛克承除太府卿制 初具官某朕閱班簿輒興才難之嘆得非比年以來抱有用之才而爵於頽挫老於閑退者多乎爾純實無華廉靖不競越在外服治舉風著願善刀而歲之若將終身焉朕方收召四方俊人以重周行起爾軍士又進爾治藏之長豈以貨賄出納為足以煩吾老成哉百辟卿士媚于天子不解于位民之攸望尚求無媿於古可 直秘閣知温州游九功除司農少卿制 初具官某良二千石入為九卿漢法也北海未邑以治行第一掌周禮之業蓋此其邁爾庸敏而靜平易而立京蜀荆閩屢更名郡剛不土既柔不至垓民安其政而有去思可謂良矣朕懲吏道放紛之弊備 實思用其良不俟東嘉上計以漢法選厥司均夫長於治民者必優於 國信能為朕養其和節其流而時斟酌焉錢穀之間其紆乎可 秘書少監徐倚除太常少卿制 初具官某禮者天地之序樂者天地之和夷變不兼命也而筆軌隨卷之士夫于遽以四

永樂大典

卷一三四九九

代禮樂付之何哉爾好古學行古道瞻彼淇奧其容比於禮考樂在淵其節比於樂朕方網羅衆俊聚之本朝老成典刑思見如渴權成達道期而未集又舉奉常亞卿以進之特行則行惓然一來講明王道於玉帛鐘鼓之外以善人心視獨善有間矣母使朕有齊魯二土之歎可唐白居易長慶集裴弘泰可太府少卿知左藏庫出納制初前度支河北權鹽使朝議郎檢校尚書刑部郎中使持節貝州諸軍事兼權知貝州刺史侍御史充本州防禦使上柱國賜紫金魚袋裴弘泰九土之貢百品之貨辨其名物謹其出納常在外府統以上卿宜求幹敏之才以爲之戒而弘泰頃分推務兼撫郡民當軍興之時法行政立則受藏之府事繁物散量其器能可以專委勉膺是任無替前勞可守太府少卿知左藏庫出納散官勳賜如故周益公大全集戶部郎中李安國除太府少卿湖廣總領不候投告疾速朝辭訖起發前去制初具官某國家養兵百萬雲布於江淮荆蜀之間置治粟使者四擇列寺介卿若尚書郎畀之其在武昌者總六道八十里之賦任隆事夥甲於三方以爾有肅給疏通之才濟愛人利物之心是以明而不苛辨而不擾列屬版部有華厥聲權佐司府往督餉道外計之重殆無復如夫衛民者兵也贍兵者民也用不可以不足力不可以不裕

永樂大典卷一三四九九

二

二者無濟則于汝嘉可鄆道鄉先生集向糾轉左朝議大夫除司農卿等制初具官某等朕惟皇太后功存宗社與國無窮奄乘東朝運終大事所以致孝養者不可得矣推恩外氏其敢後乎爾等乃慈德之諸父而中臺之高選也率職以事上捨身以齊家致于公言或有今問式昭異數用陟文階或冠卿列於司農或正郎位於司計往其祇恪茂對寵休楊文公集除太常少卿分司制大中祥符六年六月日在司諫知制誥路振行仍降中書劄子奉聖旨且今在陽翟縣將治漢唐推日發赴而京初朕以內署之職任重地親非賢才而莫居於待遇而尤異其有忍露章而引疾不俟命而遽行過群議之弗容由朕心之獨斷而加寵命持示優恩翰林學士正奉大夫行尚書戶部郎中知制誥同修國史判史館上柱國南陽郡開國侯食邑一千六百戶賜紫金魚袋楊某早以清才入居丹禁雍容可尚博雅有聞名實相符久忝侍從之列文采足用克施演潤之功願彰勤岸之心遠罹寒暑之疾惟爾母氏列狀具陳願解職於深嚴冀燕居而順養達于聞聽良用惻然宜推從欲之仁式表優賢之命或卿樂寺分務西都勉就便安無忌欽服可特授守太常少卿分司西京散官勳封賜如故仍放朝謝蘇東坡大全集杜訢鍾離景伯除少卿監制初朝議大夫

少府少監杜訢中散大夫鍾離景伯朕登進耆老崇德以靖民教求偽良
 養材以待用非更練有素不輕用其人以爾訢久服官箴善守家法景伯
 既敏而藝有聞于時皆吾四世之良往服九卿之貳益固汝守將觀厥成
 並可依前官訢守衛尉少卿景伯行少府少監夏文莊公集右諫議大夫
 忝和政事魯宗道可給事中餘如故制 初朕紹隆景業大庇中區實賴
 股肱之臣爽和天地之道務在尊寵式表眷懷其官某神稟靈氣載積
 直文章雅正道竢深明方重敢言忠厚無間簡自先聖補予中人不吐剛
 而茹柔常疾非而甄吾偶率群后翊贊正司洽茲重熙莫匪嘉績宜升榮
 於璣闥示嘉寵於黃扉更賴盡規奉若時命可 左諫議大夫充某賢院
 學士孫僅可給事中餘如故制 初國家革慶汾雖遠茲六稔庶官考績
 咸叙其勞眷乃侍臣宜加寵異其官某懷行明識成於夙齡麗藻清規冠
 我時彥而自諫垣引籍隱殿兼榮于彼藩宣奏課而連最審茲邦憲處法
 以善平績用居多歲月滋久俾權居於璣闥用特併於朝榮往踐厥官更
 圖來効可 樞密直學士右諫議大夫任中正可給事中餘依舊制 初
 汾睢均慶積有歲時考課最於官司已陟明於群吏眷繫劇於京府宜疏
 寵於侍臣具官某學識該通器致宏遠績純粹之性懷幹裕之材而自入

永樂五年三月廿九元

直樞廷兼榮諫省藩宣巨屏患撫於黎蒸尹正中畿肅清於棗右惟積勞
 之滋久宜信賞之有加特進秩於璣闥俾增崇於密侍尚茲寵異無怠乃
 誠可宋元憲公勳翰林學士尚書刑部郎中知制誥丁度翰林學士尚書
 刑部郎中知制誥臧宗慈並可尚書右司郎中依前充職翰林侍讀學士
 諫議大夫梅詢可給事中依前充職制 初中臺綱轄望冠郎闈左曹駸
 正地榮瑣闈非我才愆時蒙感選以爾其官丁度總文敏行謙而有守具
 官臧宗慈美辭素節介實能通其官梅詢吉履清規久而彌劬並願碩賢
 路光華王國或玉堂視草宣潤色之勤或露門陪學副誥誦之益分茲朝
 局咸克歲勞寵秩應呈崇職拜夕宜因近侍之最爰允序遷之舉率仍祕
 職尚重禁林可胡文恭公集富弼可資政殿大學士依前給事中制 初
 朕設別殿之職寵名儒之賢資其學優居乃詢於道術倚其名重出則殿
 於斯垣惟吾體貌之臣適寄股肱之部宜時切次益峻儀刑以爾其官某
 履正蹈方素文經哲才周通於治體識迎照於幾先飾復賢科首躋德舉
 藉甚朝廷之望居然廊廟之姿直質弗流謹言周伏殊軀出對扶無所憚
 之心大節極臨有不可奪之色高其忠力嘉乃謀擢亞內極屢壽前筋
 慈勞久職履寄二藩瞻言表海之邦號曰東秦之重教條班錄恩信施行

流庸自歸苛慝不作厥勞甚茂乃勝方深忽覽來章姑求便郡深惟舒緩之俗方資控帶之才况德刑已孚難驟移於守相而士風可樂足奉侍於慈親尋進貳於禮卿復條陳於讓贖雖高已節終爵朕心是用褒進大若中昭異數斯協至公之典以將東顧之懷少煩撫臨益在綏靖惟當懋勉以亮倚毗唐白居易長慶集義武軍行營兵馬使高從政等五人河東節度行營兵馬使傅義等二十四人並破賊可御史大夫中丞侍御史制初古者賞不逾時所以勸勲庸也爵有加等所以激忠勇也而某官高從政等以表武之師統晉陽之甲前蹈白刃中推赤心大摧賊徒連告捷超榮達賞兩實當之故視軍功遞遷憲秩破竹之勢其思有終可依前件崔瑄可職方郎中侍御史知雜制初近歲已未副相多缺朝綱國紀專委中憲而侍御史一人得總臺事以左右之今御史中丞德裕以中散大夫行尚書吏部員外郎上柱國崔瑄守文無害莅事惟精在郎署中推有才理奏補是職請觀其能因而可之仍加寵秩操執舉措爾無自輕可行尚書職方郎中兼侍御史知雜散官勳如故太常博士王中伯可侍御史鹽鐵推官監察御史裏行高諧河東節度參謀兼監察御史崔植並可監察御史三人同制初某官王中伯學優行茂飾以詞藻執禮定議

永樂彙纂卷之三十四元九

四

多得其中某官高諧溫莊潔白不交勢利某官崔植外和內直通知政典在倫輩內而人皆謂之滯淹唯是二三人之才吾得於御史中丞僧孺御史吾月日官也非清明勁正不泥不撓者安可使辨淑慝振紀律廣吾之聰明焉並命同升無忝是舉可依前件盧昂可監察御史裏行知轉運水豐院制初號州司戶參軍盧昂前負瑕疵事多曖昧今聞修省善亦昭彰况有大僚同知情狀且明非罪仍舉有才吾信人言遂可其奏爾思自効無辱所知可依前件除拾遺監察等制渭南縣尉庾汝休等咸文行清茂士之秀者宜從吏列擢在朝行各隨才用分命以職司諫執憲佇有可稱杜牧樊川集皇甫鈺除右司員外郎鄭深除侍御史內供奉等制初夫聖人之理百代同道無他術也網紀盡舉而關轄不寬故提綱主轄之司為邦立理之本言於其屬宜敢輕取浙西道都團練副使朝議郎檢校尚書刑部員外郎兼侍御史賜緋魚袋皇甫鈺鄉里秀人臺閣名士能以文學發為官業朝議大夫前守河南縣令上柱國鄭深生於清族克肖素風凡守郡邑皆著理行會府兼委之任憲司捍禦之職委之授汝得不戒之夫為政也日夜思之勤而行之此乃子產之言也剛亦不味柔亦不茹此乃詩人之所稱也四海百司之條日舉之在勤破制壞法之

永樂大典

卷一三四九九

軒蓋糾之在散率是二者可曰當官各服寵榮無忝遷推鉅可尚書右司
員外郎散官賜如故深可侍御史內供奉散官封勳如故 韋退之除戶
部員外郎表德融除殿中侍御史盧頴除監察御史等制 勅仲尼見負
版者則必式之此言爲國根本不敢不敬况其官屬豈可輕用漢家授御
史多於立秋蓋以風霜始嚴鷹隼初擊古人垂旨可以知之朝議郎行殿
中侍御史韋退之等皆章甫高冠冠被褒博表裏文行師法典常退之嘗
歷憲臺久居官次性既安靜事皆達練德融典校廷閣服膺群書美價廣
譽旁溢遠暢賴佐賢侯名聲藉甚留滯在外而非所宜地官爲郎南臺持
斧皆有職業佇見風彩各思率勵以副甄昇並可依前件宋夏文莊公集
監察御史知陝州軍府事李階可殿中侍御史餘依舊制 勅某分陝與
區介於司雍控引川陸蕃輔京師共治之臣甚難其選苟得良牧何吝寵
章以爾文藝優深識度宏遠頓繁事任淹歷歲時繁已臨人在公正色清
鄭之治民甚便之宜進榮資俾臨劇郡必有嘉効以稱朕知可王魏公集
太子中允充館閣校勘范鉉可依前太子中允館閣校勘充監察御史裏
行制 勅具官某御史府綱紀糾正之地舊判職務從簡官不必俗今朝
廷方講明憲令增置佐屬所以飭庶政而廣言路也爾文章吏事有關於

永樂彙纂卷萬三千四百九十九

五

時往副選掄魁祇祿載可王安石臨川集龍圖閣直學士李東之刑部侍
郎充集賢院學士判西京留守司御史臺制 勅古之仕者難進易退陵
夷至於後世而禮義廉恥幾于息恬於勢利者鮮矣而苟得躁進者不乏
於朝教之未孚朕深患之顧吾左右親近之且行義合於古之仕者宜從
其志使在位之貪者有愧而慕焉具官某名臣之子能自修救出俗蕃
之任入爲侍從之官而乃力辭顯榮遷就閑職別都執憲地清務簡持峻
秋官之秩仍通麗正之班吾惟爾嘉其往居息可宋元憲公集尚書禮部
侍郎參知政事石中立除尚書戶部侍郎資政殿學士制 勅登賢于朝
所以贊機務均逸于位所以優老成矧左戶亞卿之職西清別殿之職合
是寵數且解近司以爾具官石中立文雅兼資素無競早階朝弁遂服
材林自書命於掖曹旋升華於禁從藹然休問溢于公朝藉藉璋璋之姿
入參提鼎之重左右大政勤勞厥躬年序甫周道冲彌勝宜適終謀之樂
惻嬰賦政之煩特進寵名仍先秘秩往膺兼授尚對微恩可李沆集除趙
善門下侍郎同中書門下平章事集賢殿大學士制 勅散同功歸馬遂
隆於周道蕭張叶力斷蛇因擊於漢基必資佐命之臣以輔興王之業推
忠惕謀佐理功臣樞密使光祿大夫檢校太保兼御史大夫上柱國天水

永樂大典

卷一三四九九

縣開國伯趙普功參締造業茂經綸宗系緯之淳精契風雲之良會洵贊
樞機之務屢陳惟隆之謀沃心方佇於嘉猷調鼎宜膺於大用俾踐台衡
之位仍兼書殿之榮爾其整乃一心熙于庶績君臣相正勿忘獻納之規
夙夜在公勉致隆平之化往服休命無愧前修鄭起潛立庵集通奉大夫
華文閣待制淮南東路制置安撫使兼知揚州李曾伯除寶章閣直學士
制 淮海揚州久藉東土爾侯之重圖書秘府肆陞西清學士之華錫以
絲綸光于牙森具官其中和而篤實謹厚而閑深宏廣堂上之兵富有習
中之甲智慮沉潛於言表并有成謀事幾迎解於目前神無滯用入則彌
綸於省闈出則總護於戎旃以十連之帥鎮星紀之區如七尺之軀護風
寒之處北門之管鑰汝寄西州之唇齒汝兼城也高深事事皆有其備卒
乘輯睦人人咸得其心以守則持重而養成以戰則奮厲而倡勇寬予憂
顧嘉汝勤勞爾雖執辭賞之謙朕欲示勸功之信庶幾夙夜以永終譽尚
垂竹帛之功名一乃心力其克有勳迄保江淮之清晏祇承茂渥益厲壯猷
馬碧梧玩芳集朝請大夫試兵部侍郎兩淮制置使兼知揚州李庭芝除
寶章閣直學士依舊制 元帥崇詩書久幹方而佐辟學士備顧問爰進
律以褒功迪惟英儒尤稱茂渥具官某經綸學富綏御謀長材能空冀北

永樂大典卷萬三千四百九十九

六

之良人物擬漢東之秀正封從軍之句委欲驅海若而逐天狼德裕善遠
之圖可以扼吐蕃而控南詔五年制閩兩道撫師齊人章章而歸晉禮中
伯臺臺而維周翰率彼淮浦賢於長城春爾條桑秋爾將場坐喜遺民之
復業文能附衆武能威敵嗚呼非帥聞之成勞伊功伐之可稱為倚毗之方
厚登華遠間增重禁塗仍資固圉之謀嗣奮折衝之畧噫寧人有指疆土
永言寶宇之儲賢者能立邦家在固全既之業式寬憂顧益懋綏懷可
權禮部尚書兼直學士院兼給事中兼同修國史兼侍讀予子才持授試
禮端明殿學士知建康府兼福建運使江萬里除資政殿學士依舊制
漢褒循吏下郡國之壘書唐寵藩臣賜便殿之衣物矧我阜陵之潛邸
付之樞筦之舊儒亮未有邪治理著唯良之效武序在位寵名高特置之
班其官異學自丘軻道陳克舜文章行世則江河萬古之流論諫憂時則
仁義百篇之奏積錄人望擢在政塗同寅協恭夙已開兩社而輔公室宣
德流化又頌倡九牧以阜北民間之輿輻建為盛府大僚責倍汝則平易
近民淳俗夸奮汝則清修苦節治有異等人無間言既奏最於雄藩合升
華於秘殿事權增重恩數又新噫朕皆知之無日建州之云遠民之望也
姑為頌川而借留益懋蕃宣嗣膺簡注可張紫微先生集梁楊祖為指置

擒捕皮吉州盜賊今已盡靜除顯謨閣學士制勅潢池詰盜既收方面之功循吏著稱宜用增秩之典載之盟府行以贊書具官某蔭籍高華材資華給初從行於天下居多負纒之勞逮法從於甘泉益振侍臣之譽深通明於史理克紹績於家聲嗚呼此江西大離寇擾吏唯憂於生謀但肆謾言賦率用於文降未嘗自出爰資致政輔以兵威取彼凶渠破其姦素里問安堵地鼓稀鳴曾無旬歲之間盡去積年之害載嘉獻狀宜有恩章升華學士之班增重价藩之寄令行禁止既嚴連帥之威校俗易風移尚慕古人之條教益燁夙夜以惠黎蒸可范石劄入全集起復新知廬州葉衡可教閣待制樞密都承旨制奪情之典實自從戎基命之司正開立武既可緣於古頡宜更錫於詔除具官某才猷應於時頃夙績惟於命論出分藩部卓有能聲入領計曹敏無闕事慨閱時之在疚申變禮以逃歸弗與其辭妻招乃至朕念北陸作牧固惟金革之虞而右府為僚亦總甲兵之問差進寶儲之直俾須家命之承揆理弗殊留行惟允儻忘家而憂國當移孝以為忠江南東路轉運副使沈度可祕閣修撰寧國府長史制朕惟前代時若遠遣親王為國藩翰又稽天聖今甲立之參佐以統理庶僚紀綱衆務職有常古非敢私于我家時咨時才往踐厥次以爾聞見

永樂彙編卷之三十四元元

七

有原儒雅飾吏公府卿寺駁駁近密而撤環江閩泊燕難進故以論撰清班俾輔吾子昔之遴選此官者號稱天下第一惟清介正立者宜為爾尚無愧其克欽承劉後村積集陳綺除右文殿修撰樞密都承旨制古太尉掾均為公府之僚今承旨廳實長樞廷之屬粵自改元豐之新制類多處法從之名臣其官某智畧輻湊於上前慶節轍環於天下心平氣定居然龍見而雷聲事至物來甚於題卜而燭照治賦鄙牙籌之璜屑聽訟察始蕭之隱微久勞煩以米鹽簿書且周旋于亭障堡戍朕方修車備器圖回復古之功孰能借著運籌禪贊本兵之地與聞機密稍亞論思強本可以折衝直前可以論事意在元祐則安世由風憲除在紹興則剛中以功名顯益據賢業進企前脩鄭起潛立庵集朝請郎守太常少卿兼樞密副都承旨趙希奎除右文殿修撰樞密都承旨制元職機廷討謨密勿侍朝便殿導旨禁嚴自熙寧以三館兼行連紹興則兩制充選茲為重任允屬清流爾才挺宗美學高儒望行已恭而事上敬知無不為見善明而用心剛介然有守久彌論於省闈復陪輔於籌帷國論賴以主張遂昇資之裁決地正宥府欽承之職載陞道山論議之名方四郊多壘之侍出納朕命凡五兵六師之事教寧國功惟乃之休則予以擇洪平齋某趙立夫除秘

閣修撰極密副都承旨制 初其官某天下之勢猶衡朕既遶東廷步出
長外服必博選民庸入治內服然後無輕重之偏爾頃錄九列觀風近甸
聲氣不搖而百靈戢蓋吏師也孝宣厲精政事樞機周密周者加詳密責
加謹維爾老於識而精於憲式適其歸以讓著中秘參有廷之導旨周悉
以濟中興其庶幾乎可 宗正少卿張嗣古除秘閣修撰樞密院副都承
旨制 初其官某朕長馭中原樞掾皆得以與間廟算樹導宣密命日與
柱下史並直文坳為最近爾識照未然之機材擅有用之器兼記言于朝
國勢虜情論建甚悉恨不果用也白首重來識益定材益老其以中秘論
謀參承宥密制勝之略保大之謀凡可以贊吾樞紐者毋患母忽可虞倚
尊白堂集同知程松父凡萬持除集英殿修撰制 朕惟明有國善善之
風謹古訓親親之義得人而用灼知移孝之因推本而言益見教忠之效
茲有成命形于贊書某官父某蘊當今平治之才員邁往不羣之器頌頌
仕路先豪俊以著鞭際遇清朝視功名猶唾手分符典州則最課軼上扶
鐵分闕則威名遠聞聿觀賢嗣之飛騰力以親嫌而引避凡華勝踐暫輟
傲於風雲萬里宏程自優游於歲月琳宮均逸錦里推尊奉家學之有傳
簡朕心而大用是為有子方正位於樞廷豈不懷御美陞華於秘殿重為

永樂彙纂卷之三十一

異數孰謂尋章念本朝曾不數人良深嘉歎在一門實云盛事宜有光華
其亟欽承以永終譽胡文恭公集宋祁可依前右諫議大夫充史館修撰
制 初其官某國之大典莫尚於策書世有史官實願於筆削思立言於
不朽用垂法於將來宜屬耆英迺述作以爾學通今古文擅宗師職可
貫於動微才足經於治本竊代言於掖省復定草於禁林盤詰之風炳於
三代訓辭之體厚厥二京歷近輔以政成瞻邁美之藉舊寄咨勸講召復
近嚴屬撰次之欽負冀選掄之任職絕踰萬頃參寄編摩制度文章用與
一時之美才流職業更增二惠之華有若世官實惟家學尚倚教經之善
勿忘書法之良 孫抃可依前禮部郎中知制誥充史館修撰判館事制
初史官尚矣歷代有之述春秋五例之餘顧邦國四方之掌必也書法
使善惡昭於前其次立言用文采表於後惟是撰著之美則宜後碩之派
其官某為行直躬高文強學達夷吾治體之要有壺遂君子之風履從西
臺暇在禁署視淮南報賜之草作伯翁封拜之書行於諸侯豈惟謀訓之
學置諸太史亦策謀業之長加復同官之僚率取一時之望對軌而董之
簡選煥唐虞之文緝熙于獻往踐乃職 周琮李用晦可並司天中官正
于淵舒易簡可並司天監丞王士隆可守少府監主簿充翰林待詔制

永樂大典

卷一三四九九

物莫言天之學古有三家學若渾儀胎合乾體朕細懷往範恐夫舊傳因
命究研且令制作通觀成績第用賞勞爾等通石田之經深梓慎之術能
奉吾詔咸竭乃精克正規模弗愆暨度差進清臺之秩并豫禁林之職往
服朝恩無替爾職張紫微先生集陳桶韓世忠奏為與金牌郎君迎敵自
淮陽城下差委去湖陵十秋同共措置遂次獲捷欲乞除落過其元帶貼
職詳察施行奉旨石朝請大夫參謀官依舊右文殿修撰制 勅詹威于
境固資開外之良揆策于軍亦賴幙中之考爾頃詒吏議名在刑書存歷
歲時既從昭雪逮此偏師之出具宣贊畫之勞宜還論議之華以示褒優
之渥尚殫夙夜益茂遠圖可唐杜牧樊川集張幼彰程修已除諸衛將軍
翰林待詔等制 勅翰林待詔昭武校尉前守左監衛將軍上柱國賜紫
金魚袋張幼彰等幼彰修已鴻都奏伎巧於丹青用志不分與古爭品審
以武進晚能知書屢以辭章上千丞相知實以謹良縮務師儒以詳練守
職或藝或勞或遷或拔將軍佐寮皆為寵擢各守職秩無忘專慎可依前
件 揚知退除鄆州判官薛廷望除美原尉直弘文館等制 勅將士郎
前守京北府藍田縣主簿楊知退等國家濫定齊魯餘三十年多用名儒
鎮之以還古俗其諸賓吏皆為秀彥弘文館四部群書十八學士詳考理

永樂大典卷三十四九元

九

亂鋪陳王道此乃貞觀之故事也若非名士固不與焉知退文行溫雅副
幕府之求廷望才學聲華膺丞相之選當戰伐之後切於供饋庠績自以
清幹稱於有司予非能知咸徇其請各宜率勵無累所舉可依前件宋夏
文莊公集翰林院藝學殿中丞同正蔡齊古可依前殿中丞同正充翰林院
待詔制 勅漢金馬有待詔之臣俗清問侍從之職唐禁林有執藝之士
陳太古雅正之聲朝廷因之並建其選以爾具官某早工絕技克暢治音
宜書歲月之勞式獎均調之業往階顯秩無忝隆恩可王珪華陽集國子
監直講胡瑗可太子中允天章閣侍講制 勅前代稱治之世舍文章禮
樂之作則何觀焉朕方游精太平思與儒賢以講劇道藝于禁中維爾少
而學古白首不懈其行義純正言論淵博蓋嘗攬于近臣之章茲命爾通
朝聞侍經幄其稽聖人之言切于當世治亂之監者日極陳之夫遠弄彼
邪親禮端艾朕靡有意虐可彭汝濡都陽集鄭穆揚王府翊善直集賢院處
僑揚王府侍講制 勅某等維朕叔父為時賢王今德孝恭好善不倦朕
東厥屬尤難其人以爾穆白首一節久而彌彰以爾僑秉心無邪見於已
試並祇厥服用介厥成可 葉均試秘書監直龍圖閣制 勅夫鳩聚圖
籍用考古今養育人材以待任使俾長厥事其人為難具官某莊重而有

永樂大典

卷一三四九九

文淳壹而不撓為改太府之命使登大蓬之榮勉循厥條以副朕意可洪
文安公小隱集右承奉郎田公輔轉兩官除直秘閣賜紫章服制 汝父
董上流之寄今二十年矣為國長城朕欲見而未能也故趣親其于致朕
意馬疊進文階寓榮中秘金章紫綬併華爾身式邁其歸無怠忠孝 左
中奉大夫直敷文閣知臨安府張偁除直顯謨閣制 國家爵賞之柄輕
重祇功功之所在雖微必錄蓋以示勸也爾尹正天府以材請開都城充
工時爾董護後不愆素與馬一新有司謀勞實在最等西清蓬直環殿而
升朕之所以寵爾者至矣其思勉懋以稱所蒙周益公大全集一省樞密
院奏武鉅昨收復鄧州其知房州司馬傅首遣鄉兵二十人應副錢糧共
濟國事閏二月十七日聖旨特除直秘閣制 勅其官某南陽版籍歸我
職方莫府上功朕既以差而賞之矣惟汝填臨涇郡協比鄰邦悉其賦與
助開境土寓直圖書之府宜獨為汝勸哉表而出之所以使搢紳介冑聞
知吾文正公之有後也 直秘閣知盱眙軍冀塗職事脩舉可除直徽猷
閣制 勅其官某國家間暇守邊城者雖微扞禦之勞然久於其官使斯
民按堵撫字無曠是亦能矣升華內閣寵以聖書毋皆厥勳益觀來效可
隨龍從義郎趙行依孫璫例除閣門祗候制 勅其官某祖宗之世允

永樂大典卷一三四九九

十

錄名上聞者皆書之冊其重如此近世用人衆矣朕欲稍遠其選而爾錄
攀附得之非幸耶尚思共恪廉平以稱恩渥毋使人謂朕為私汝可劉俊
村績集承奉郎賈德潤除直秘閣制 古之王者切吾切以及人之切况
於宰相乎爾生而穎異雖未勝衣冠而趨拜朕前有成人之風摧之延
閣示嘉獎奇童之意此日之拱把他日之傑壘昂霄者也益勤于學以對
寵光可 知漳州洪天錫除直寶謨閣依舊任制 昔汲黯在廷以嚴見
憚及出為右內史則職事不廢守二郡則閉閣外治而政清視嚴助吾丘
壽王數年不上計至勤豐書督責者異矣爾由前御史牧清漳其未至也
皆有薄淮陽之疑其既至也躬細務而不流於清談舉大綱而不事於小
察士曰吾得嚴師矣民曰吾得慈母矣朕以為有黜之風奎閣寓直唯堂
借留用漢故事以為郡國二千石之勸可高著齋薇垣類葉朝請大夫知
興化軍張友直秘閣依舊制 觀近臣以所為主觀遠臣以其所主持是
以為審官之鑑人馬度哉爾天資疏明官業詳整以介潔而臨財故有餘
積以撫字而臨民故有留愛越我一二邦以修為海濱大老亟稱而明揚
之輝觀所主進直蓬丘仍沆氏庸嗣膺顯陟可慕容彥逢攝文堂集朝請
郎同管構成都府等路茶事兼提舉陝西等路買馬公事龐寅孫可依前

官除直祕閣差遣依舊制 初具官某爾以材力之優往按茶事收息既
 羨勞列可嘉芸閣寵名選授惟慎增華使指為爾之榮往其欽承益圖効
 實可林光朝艾軒集知廬州王希呂除直寶文閣再任制 具官某西顏
 淮堽莫尚總戎之重北連邊壤蓋取折衝之選迺錫贊書是為申命以爾
 受才明雋積慮正平百步生風獨養諫臣之氣一行繫日要從史氏之公
 養雄聞而重臨表長才之已試並修耕築用儔事功肆如因任之華其厚
 寵名之貴尚迪明訓益振良圖可洪遠盤洲集知府貽軍郭叔直閣制制
 爵祿天下之砥石也有勞必賞能者斯勸爾材智聞敏遇事風生一障
 之乘弗憚險易視探虎穴如行坦途列職道山旌汝體國張紫微先生集
 宋萬年為金賊侵化糾集軍馬竭力保捍敦減過官依舊給還仍差權知
 慶陽軍府兼主管經畧安撫司公事節制鄜延環慶路軍馬換給仍陞除
 直顯謨閣制 朕惟狡虜入寇自非智者獻謀勇者出力以逆折其鋒曷
 能有濟哉爾奮身儒學擢任邊環糾合義旅為國保民大帥上功三復嘉
 歎陞華延閣用勅忠勤尚懋爾圖以底成績 小使臣帶閣門祇候制
 朕惟陝服河外淪陷積年忠義之徒未嘗忘漢果侯可為之會皆立昭明
 之功覽獻狀之沓來顧疇庸之可後俾進秩於武列且厄職於九閣益屬

永樂集卷之三十四九元

十一

爾圖嗣膺襲陟 牛運為措置捍禦賊馬保守宿州備見宣力忠義可嘉
 持除閣門祇候兼殿前司選鋒軍將官依舊添差宿州兵馬鈐轄統制本
 州管内諸山寨鄉義民兵制 初符離今最被邊寇逼仇讎為朝夕釋憾
 之地朕念其餘民不忘日夜爾能糾合義旅全父兄之親見忠勇之節可
 無寵獎以厲其餘俾厄職於九閣兼將也於七萃益思奮發嗣有襲陞可
 翟忠惠先生集汝州防禦使知客省事錢愕除樞密都丞旨中亮大夫趙
 希古知客省事左武郎未孝莊簽書東上閣門制 朕惟成周侍御之良
 粵虎賁小尹暨于攜僕固不秉德祇畏丞弼厥辟夙夜無敢戲怠朕用昭
 德塞違以厥庶尹達御事用進迹于文武以爾其官某將事歷年罔有逸
 德朕嘉乃庸無斁乃事其陟前列往踐乃職曰愕爾承朕命曰希古爾與
 蜀國曰孝莊其以爾莅上閣咸聽朕忘無桑爾成鳴呼戒哉弗慎厥初其
 艱有終汪藻浮溪集俞隨劉公彥知東上閣門事制 朕肇開四門延納
 多士思待戎班之後長吾賓贊之察具官某秉德忠純受材開敏地處橫
 班之遠秩升廉使之崇其服端閑統司謁者肅等威於表著之位傳臚句
 於陞廉之間嗣有寵褒無忘格夏文莊公集東頭供奉官閣門祇候王
 懷忠可內殿崇班依舊閣門祇候制 初某早列官常荐經事任歲時滋

久勞劬可嘉特疏寵於近班仍兼榮於上閤勉思勤瘁以答甄明可 鈞
容直製撰應奉文字孫渥可將仕郎守衛州叅軍依舊祇應制 勅某深
衛之師寔有武樂汝早為其屬造彼優解頗積歲時未預官牒差加散據
以賞厥勞更務竭心庸資獻曲可 周益公大全集昭化軍節度使嗣濮王
士輅女夫司公度除閤門祇候制 勅某人傳曰厚於仁者薄於義厚於
義者薄於仁念我宗英老而無子間因賜對為壻求官本之人情寵以華
職睦族固為仁矣合宜獨非美乎厚薄之分朕所不取可 忠訓郎武學
博士張德明除閤門祇候與副都監差遣制 勅具官某服采于朝以觀
人之器識護兵于外以試人之事功凡用群才皆存深意爾脩身閱古多
譽無疵右學案年諸生所信列之上閤許以外遷尚勉爾為朕方有試可
慕容彥達攝文堂集右班殿直梁誼可依前右班殿直閤門祇候制 勅
具官某朕念爾父被遇先朝服勤邊陲聲績兼茂宜推恩典寵錄其孤職
職閤門選授攸慎今以命爾維以勸忠往務欽承無替厥紹可 劉行簡言
漢集故嗣濮王仲澆得承節即孟思恭可閤門祇候免供職制 勅具官
某上閤之職號稱華要選擇惟遠不以做人爾以王邸之親復膺是寵其
思自飭以稱所蒙可 王東牟先生集裴良琮轉秉義郎除閤門祇候制

永樂大典卷萬三千四百九十九

具官某朕以東朝之戚屬上閤之班聯庸示眷恩俾閑儀矩往當祇肅思
副寵嘉 胡文恭公集孟永寧可新州新興縣主簿充翰林侍詔御書院祇
候制 勅某恪恭嚴宸願精措法籍禁門而惟舊成實刻而有勞特疏一
命之崇且獎六書之善益專小學往服茂恩 錢彥遠可起居舍人直集
賢院知諫院制 勅具官某夫納忠之先莫若歲王闕興治之美無如任
諫臣援推溢茂之恩用獎正方之士質之公論咸曰職修以爾風議周
才謀兼劬以富平之德器出太伯之世家紹休前人協比介第聯對大業
著聞本朝教奏其言咸有補於世務參試以政復無害於吏文嘉其行能
任以言責議論慷慨退公委蛇獻納既勤旌陟宜及古史之任參記言勳
麗正之學領技典文舉用二職之華進增七諍之重爾其勿念後悔無廢
前勞審思諸宜勤補不逮謹言切至朕固弗焉 李先可起居舍人同知
諫院制 勅具官某夫有言責者思其忠有官守者修其職保氏之任則
主進諫右史之業則司書法均是二職皆拾遺補過之臣也自非忠正之
士時勝左右之選以爾莊修有素方介不撓比膺憲屬之選進處臺端之
嚴糾肅朝聯切劑治體間陳得夫頌見納用有嘉已試之効且時久次之
勞寵以記言委之諫職爾其往服休命敷進苦言深圖為替之勤勿為拱

永樂大典

默之計周差補察以巧來忠王珪華陽集招箭班殿侍皆步澤在班反十五年補承節郎仍舊存留在班祗應制 勅具官某方罷遣衛士而次第官使之爾以藝成令祗舊次宜益矜奮以須後恩可沈氏三先生集度支員外郎直祕閣同脩起居注司馬光可起居舍人同知諫院餘如故制 勅某朕奉祖宗之成業以臨天下夙興夜寐而欲寡其過未能也故博延亮直之臣使得裨補警戒其不迫庶幾有益故察于群臣而得爾光惟爾光學有原本行有師法方而能通直而不撓可謂卓然持遠者矣其正秩右史參職諫省往服乃位盡規毋隱務稱朕所以舉爾之意可唐白居易長慶集辛丑度可工部員外郎李石可左補闕李仍叔可右補闕三人同制 勅朝散大夫右補闕內供奉飛騎尉辛丑度等朕詔坐相求方略忠讜之士置于左右而播等以石暨仍叔應詔言其為人事實嘗直嘗以文行謀畫容於幕府之間臨事敢言當官能守可使來帶同升諸朝又言兵度介潔靜專不交勢利宜加推獎以勸其徒况又次者轉遷後來者登進皆適所用平章可之可依前件宋徐鉉騎省集侍御史王仲連可起居舍人監察米崇楷可右補闕制 勅朕嘗思古先哲王所以致理區中委憲萬祀者蓋有史臣以記其過有諫官以弼其違或面諍于庭或舉書于冊

永樂齋卷之三十四元

十一

故政令所及罔不化成而怠惰之心无自入矣將振斯典必求其人某官王仲連愛籍才能並參秩序正己而率下盡節而向公某官米崇楷早負特名尋升閭籍佩韋以臨事慎獨以修身而並服豸冠或司綱憲或立朝多按劾之奏或典刑有歎恤之心叶我懋章宜升右掖勉修官業以副簡求直筆正言无有所諱可周益公大全集入內侍者寄資拱衛大夫送郡承宣使李采與歸吏部持差幹辦內藏庫填見闕制 勅秋事官闕既殫勦力易官銓部厥有故常其官某兢畏以自修溫純而寡過階視橫班之峻職參留務之崇籍爾幹材司吾禁帑尚體儉勤之意毋忘出納之公可 勅教義除武學博士填見闕樊仁遠除武學學諭填復置闕制 勅某人春學秋射以考遊倅之藝列於夏官周制也右學蓋其遺意歟爾敦義得師友之淵原爾仁遠慕功名而慷慨進跡科選寵以同升古者命將不待投筆而有自見者可韓維南陽集河北轉運使太常少卿沈立可依前太常少卿充集賢修撰知滄州填見闕制 勅提兵要制邊劇者必有加職之授所以示寵而重威也式圖俊良奚吝褒渥具官某敏於聞見推自約修內足詳書多明於義理久更衆職並著於事功宜輟將漕之壽進

永樂大典

卷一三四九九

司論撰之筆宣我條詔為國翰垣憲惟寬惠可以得民和惟嚴莊可以正師律母易乃事則罔所愆可 禮賓副使知忻州靳宗臣可崇儀副使知麟州填李授移起關制 勅某雲中據代地之要以扼虜衝兵符所寄常慎其選以兩雅挹武畧又宣忠力綏御民俗條教不煩訓齊軍戎紀律甚設故超授使領往臨所部母誅利以主惠母毋安而納侮惟靜而勝時乃之功可唐杜牧樊川集蕭收除著作佐郎裴祐之陝府巡官在滎陽縣封集賢校理等制 勅在春秋時晉為諸侯國也尚立公族大夫教育諸卿之于富有賢哲不假搜聘召同列而會者三百餘年况今天覆盡得而為畫無遺名卿賢相之家清風素範之族子孫森羅髦俊並作次第叙進宜嘆之才匪使判官將士郎守國子監大學博士蕭孜等或以秀異得舉文學決科或以行實立身遭逢知己皆後生可畏之士為當時有才之人東觀著述殿閣典校參畫幕府開導獻納清秩美職二者兼之不由階級安至堂奧勉於脩慎以俟超升可依前件 姚克柔除鳳州刺史韋承鼎除隴湯縣令王仲連贊善大夫等制 勅中散大夫前使持節利州諸軍事守利州刺史上柱國姚克柔等仲尼曰人道之大莫先為政之功者其長人乎克柔嘗典一邦愈知為理承鼎增寅等開敏有材幹能堪事河池

永樂大典卷一三四九九

十四

名郡畿內小侯仕於清時皆為良遇大凡為理之要先事孤弱警諸草木無倦栽培仲連在苒苒官遇歲月滋久東朝贊導亦曰升遷各俱厥官無忝榮命可依前件宋王珪華陽集秘書郎馮京可直集賢院著作郎沈遵可集賢校理制 勅某等國家開冊書之府同奉寵延天下豪英之士以興校序其中所以廣儒術而養國器也以爾京志識高邁文粹於時以爾遵業履純茂才裕諸用朕頃廷較多士爾等藻詞逆贈或在異等之選今試剴且還命給札于禁林而奏篇益麗茲並擢丞太常與游書殿其日思勉楫以稱于獎育之意可蘇魏公集祠部郎中克集賢校理丁諷可金部郎中依前集賢校理散官如故制 勅尚書郎皆謂之清望而左曹尤貴今雖限年序權自非臺閣之選不得預遷焉以爾具官某地胄高華器質和厚榮踐世職稔服省闈會課應條進曹有典自列諱終之禮且援換秩之科易以司金皆聯左戶往膺寵異之渥益懋公忠之為可王安石臨川集同尚書門下平章事韓琦奏親姪孫古守秘校同中書門下平章事曾公亮親男孝純將作監主簿姪孫湛試秘校樞密使張昇奏親孫男戒守秘校參知政事歐陽修奏男辨太常寺太祝參知政事趙槩奏孫男元緒太常寺太祝樞密副使吳奎奏長男璟守太常寺太祝次男瓌試秘校制

初某朕受此假於神靈而布之在位其官顯者得任其子弟以及孫曾庸
 生大臣之家是為賢者之類性係祿秩可無慎哉可明文恭公集樞密使
 王親姪孫廷年給事中參知政事劉親孫男子雅工部侍郎參知政事劉
 孫男焘並可守秘校制 勅某男某國家誕辰故事推恩通列法得任於
 門子禮特優於政弼以爾年妙志美體安節和本諸忠訓之深稔於宵雅
 之肆宜有官薄周賓京司祇我恩章勉于學力 享元方可國子博士范
 家郝大同可並守殿中丞呂惟和崔象明可殿中丞黃廷慶可右贊善大
 夫制 勅某等藉通王官名任宰士於規隨而尤悅亦幹固之兼資允屬
 三宮之文追復九房之祀推行制度省闈繁文亦繁敏用之明不爽先庚
 之素勤庸屢試泛等宜優入典經庫進丞府省速儲坊之僚屬皆朝序之
 聯華往服褒遺益思恭慎 龔鼎臣可秘書丞張瑋王鑑可並大理評事
 陳知常可右贊善大夫制 勅具官某等國家因堯典之舊采周官之法
 率用一閔參比百工著為成規況存大勸爾等早階文藝之選或資曾緒
 之華服在縣章恪居利局書伐來上舉最當遷擢丞秘丘進陟儲案胥及
 列卿之屬對司理法之平往荷茂恩益圖敏政 陳藻可秘書丞梁谷可
 左贊善大夫制 勅具官某等夏口帶江民俗喜訟天水被塞風謠尚武

永樂彙纂卷之三十四元九

十五

滋其屬邑尤資健全適有威治爰賦茂恩以爾或進自丞掾或任以承學
 並華史局之選成佩縣同之章齋伐自陳按書當陟丞清職於本省躋榮
 序於東朝並無寵數益勸端操 周大參可秘書丞任利有可殿中丞陳
 之損可贊善大夫制 勅國家制法以檢官成計年而考吏治勞能者進
 否者知勸具官某等或策名以文或藉資而仕並承風訓之益咸聞節行
 之修居邑者簡忠而不苛領局者強敏而能力以勞自白在法宜遠進承
 秘丘入豫府省速升僚於東禁並著藉於外朝往我欽承務乃脩綜宋元
 憲公集著作佐郎監洪州酒稅鄭修可秘書丞監澧州稅務于可度可太
 子左贊善大夫制 勅具官鄭修等藉佐京司勸宣吏局或推財官釀或
 收羊門征並循齋伐之規來滿計年之格宜時善狀推真外朝書省即遣
 儲坊序拜姑仍續課尚謹終更可 大理寺丞監南劍州商稅張鑑可殿
 中丞簽書西京留守判官廳公事王琦諭可太子右贊善大夫制 勅具
 官張鑑等或席蔭效官或緣儒補吏尋踪卿屬參委事經都幕借壽郡征
 書貨率授考法來諭歲成殿監有僚官坊著藉且乎賞典並服朝職可
 太子中舍劉德之可殿中丞大理寺丞溫嗣良可太子右贊善大夫制
 勅具官劉德之等咸以吏勤恪于官次或縣章歷試多刊最允或訟贖見

誣近蒙澄雪並越歲成之日宜借朝漢之恩省分縣備坊有籍各祇崇序尚服攸箴可夏文莊公集秘書省著作佐郎知蜀州晉原縣事張錫可太子右贊善大夫餘依舊制勅某等明經中選教學登科竭節効官在公疑績攸司大校實典並行是用進秩上臺升華中御或飛榮於鶴禁或佐局於蘭臺各勵乃誠以答朝獎可秘書省著作佐郎知蜀州永康縣兼兵馬監押任文素可太子右贊善大夫餘如故制勅某等國家考課績亮善最所以辨百工之能求四方之政者也以爾等早中朝選恪居官次勤宣幹力脩奉彝章歲月貿移職用備舉攸司大校信賞並行引籍外臺振纓中御洎春坊之書訪皆仕路之美選吏務夙宵無忝恩獎可唐白居易長慶集李肇可中散大夫鄆州刺史王錕朗州刺史溫造可朝散大夫三人同制勅朝請大夫使持節澧州諸軍事澧州刺史上柱國賜紫金魚袋李肇等乃者李景儉使酒復戾而肇等與之會合飲夫於檢慎宜有所懲由是左遷分爲郡守今首坐者既復班列緣累者亦當微遷但以長吏數易其弊頗甚况聞三郡皆有政能人方便安不宜遷換故吾以乘章階級並命而就加之蓋漢制進爵秩降重書慰勞良二千石之旨也爾當是命得不勉哉宋劉放彭城集朝議大夫充集賢院校理諸王府翊善

王澄可中散大夫直秘閣差遣依舊制勅其官某大夫以上皆高爵也至于中散品秩益崇祿祿益厚吾所以待材庸之士其能自致此者鮮焉以汾敬學多聞內行執親轉歷調館久次王府有以自守事常裕如考課當選俾從明陟昔于雲叔夜偕在此官貼延閣通直之選仍藩邸置醴之舊祇服休寵益思恪居可鄭鮮鄭漢集左司郎中知制誥張瓌可左諫議大夫依舊制漢之諫大夫常選通才塞正之士故其忠言鯁論以開悟世主之聰明後世鮮及焉今以汝明於古學高簡而有廉隅久次掖垣備其詔令敷處駁議抗而不撓於嚴當選乃進以爲諫大夫代王者之訓言兼尹臣之美秩朕於惟懼之臣可謂德懋於賞矣可夏文莊公集起復雲麾將軍解州刺史充本州團練使郭崇仁可落起復授金紫光祿大夫餘依舊制勅某等勳詩書稟訓早列通侯之貴遷銜陟此之榮及外除宜加茂寵俾進階於三品仍視秩於六官益隆團結之榮更勵夙宵之節可翟忠惠先生集徽猷閣侍制知興仁府錢郎可通議大夫奉行新法有勞制善爲國者因民所欲而利導之使神人百物皆得其極朕爲資幣以權重輕民既裕矣亦惟爾更推原德意克底成績具官某能以豈弟不忽鯁寡奉承法令教迪有衆夫爾既推朕之良法能顯信于下而

朕可無必行之賞以取信於爾乎宋元憲公集江南西路提點刑獄尚書都官自外郎晁宗簡可尚書司封自外郎尚書屯田自外郎通判鳳翔府崔暉可尚書都官自外郎太子中舍監兗州酒務王整大理寺丞知南雄州陳鑄並可殿中丞大理寺丞知福州長溪縣鄭戡可太子中舍制 敕具官晁宗簡等並稱吉士參服具僚或使較糾循近承朝委或州符俸守交輯政經或卿屬佩縣章或官官掌酷利雜馬會課咸克應條郎省分費殿廬贊府逮于儲案莫匪朝榮即寵爾勞用信吾賞可 尚書比部自外郎知房州徐弁可尚書駕部自外郎尚書屯田自外郎通判楚州沈周可尚書都官自外郎國子博士陳宗纘可尚書虞部自外郎殿中丞監台州商稅趙德亮可國子博士大理寺丞知蘭州滴河縣張利可太子中舍制 勅具官徐弁等夫序官之方責實為効功賞所值寄於平衡茲乃一過遐而均勸沮也爾等並緣任職參服王畿或郡縣布條或閭臺引籍或歲藩有最或征旅載動咸以歲成列在恩格呈聞郡選米廩曾師逮于儲坊亦寵朝絃差次而投各竭乃衷可 大理寺丞知威州趙祐可殿中丞知雲安軍李敏可太子中舍制 勅具官趙祐等各服吏資參補卿屬鼎分遐徼之守通嗣前勞之庸計最上聞恩典無廢陪官廂省引籍震坊有著

于朝且寵其任尚結終課思稱序遷可 殿中丞監在京豐濟稷奉倉李宗傑可國子博士大理寺丞尚正德可太子中舍制 勅具官李宗傑等或經生服官或蔭格延賞智効茲久歲成屢更而參掌倉儲之煩外司酒利之筦通質前探押惟舊章國冑清階震坊華籍宜從並命且寵稍遷可 大理寺丞知河南府登封縣李虞卿可太子右贊善大夫監河陽清酒務鼎德一可太子中舍制 勅具官李虞卿等並飭吏資振參卿屬或邑折敏政或官釀尤司齋伐于朝既勞滿歲訖無殿狀胥協寵階宜對殿於儲坊且通榮於閭籍益度官守尚對恩褒可 太子中舍劉世寧可殿中丞大理寺丞劉文正可太子中舍制 勅具官劉世寧等醇謹服官綱終累探或序華儲禁或列案刑卿率職殊勲稽勞比職宜錄歲成之效才違朝著之榮可夏文莊公集大理寺丞李象之可太子中舍等詞制 勅某等經術該通吏能幹敏振纓理寺涉狀甚明結綬賓筵薦章文上或陞華於鶴禁或佐職於棘卿各示既明勉思自効可 大理寺丞充三門發遣判官錢智周可太子中舍餘依舊制 勅某等國家以功詔祿以能其食申明善最之格旌辨勳勞之臣所以勸天下以至公也爾等各負又能屢分朝命竭心從政紫已在公美謀有聞賞典斯在宜進銅扉之職或參棘

永樂大典

卷一三四九九

路之榮更務事脩以永終譽可大理寺丞如潯州其城縣姜幹等可大
 子中舍餘依舊制勅某早踐官禁乞彰幹力及有考覈引射軒輝宜用陟
 明以旌勤效或青闈振藻寔踐於朝聞或於路陞華共評於季法勉膺甄
 獎更勵夙宵可沈氏三先生集著作佐郎任捕可秘書丞大理寺丞劉長
 年可太子中舍制勅某等有百世之地斯可以為政矣耕桑有時也勿
 奪馬貢賦有誓也勿擾馬衆之所利者導之衆之所害者去之先之則信
 勞之則悅繼之以無倦如是而已今爾等所居皆大縣也亦嘗念於此乎
 有司考績蓋用常法升位于朝我恩則厚爾其服我之訓夙夜以思無作
 官辱無起民益無廢我不顯之命可大理寺丞馬希元魏絳耿仲履時
 選陳安世可並太子中舍制勅某等天下治安郡縣衆職鉅細煩簡皆
 有常法吾士大夫當其任者能遵之而勿失順之而弗擾使官無廢事民
 無病政吏無姦聞以至于朝者皆良吏也以爾等並有伐聞在於有司自
 秩廷射於茲二歲豈可不選以勸之哉其升東宮之屬通籍于朝亦足以
 顯矣其益自懋以進不已可胡文恭公某呂澣可殿中丞楊極高良傳並
 可太子中舍制勅具官某等或進絲經明或仕以蔭入幕從智效並用
 法還擢丞京司典治刑獄外顯出納之各對宣宰字之條局以幹聞政用

永樂大典卷一三四九九

十八

勳著參稽成謀進楙陟恩優以中省之懸豫於儲禁之家始陪朝拱尚服
 官箴王希顏可殿中丞盛行甫大理寺丞王詢並可太子中舍制勅
 具官某等或憑藉蔭格或究研律學參承京局外握縣條服在廉平訖無
 玷缺最凡所上鈞校弗疑進陞省尚之華擢豫儲僚之選並班朝著仍寄
 邑同勉思事脩有以自效管朝宗可庫部員外郎徐峻可太常博士董
 奇范存並可殿中丞呂公垂可右贊善大夫李需趙昌王軋祐並可太子
 中舍制勅某等書代以期視成於閩考合功令差進秩次使在位者得
 以勸仰而有力者無所怠遺爾等或擢自秀科或奮從力學亦階舊德之
 食參賦治民之經安靜無華廉平有迹類上三年之計進稽六叙之文據
 法當選在實宜信司甲侍事抱最相儀尚丞典名物之煩儲衆通表著之
 藉並為朝選之美就服詔除之榮務推精誠勉思政術牛拱辰可國子
 博士共穆周諧陳舍可並太子中舍制勅具官某等並達於從政恪在
 首公馴致法丞參服府署或以絃歌之最著厥縣同或以征算之鏡愆於
 局次有司獻狀主計為言年庸有成臺格應賞經庫峻於儀品儲衆藉於
 班聯並為茂恩益樹勸績單煦可太常博士焦盛王傳張九可並國子
 博士馬直方王延慶明穆歐陽炳張仲宣可並太子中舍制勅具官某

等或修辭干祿或治經服官亦藉舊門之資早承食德之美擢升門序列
 實京司參服吏勞滿宣公力條陳滿謀鈞校陟書曾有積勳訖無通事稍
 遷禮閣叙進經庫乃暨奉儲之僚並豫班朝之籍咸思砥節用慰遠恩
 未從季隨並可虞部員外郎劉襲禮可太常博士黃淳未處約並可殿中
 丞張赴可太子中舍制 勅某等詳試則吏職修叙進則官治初考課之
 法若天下之砥石所以肇行義而激節廉也爾等或治經素明而食惟舊
 德或進以文雅而拔諸岐良未服王官分條民政歷三期而成最用群吏
 之計治鈞覆中典差次命秩進山虞以承務陪野最而相儀府省入丞儲
 禁升屬且中吾賞擢勸爾勞 張述任伯傳並可殿中丞蘇盛相里周可
 並太子中舍制 勅某等或早中臨軒之選或嘗藉舊門之資次補吏員
 進至京屬吏試力局則字益之利甚饒分宰縣同則鳴絃之政居最參稽
 來伐協應陟書對遷府省之華並寵儲僚之秩益思自效無廢事修 謝
 願素可職方員外郎趙慎微可比部員外郎王得賢可虞部員外郎張擇
 仁可太常博士冀尚王日宣可並太子中舍制 勅其官某等未吏績成
 於外賞格著於中因閱閣之成勞遂置郵而傳命就用遷秩以明至賞爾
 等資承吏幹之教參服王官之采肅將朝委領刺州疆或宣賦縣條或典

永樂彙纂卷之三十四十九

十九

幹事局有寬平愛利之運無煩苛浚底之識列上計文優中遵法壹職之
 制則有主方貢司勿計惟山澤之大緊虞衡之掌至於奉常儀範承華條
 選咸用流品之入差次名秩之除旌陟在茲欽祇無忽 張與可也田員
 外郎艾保卿沈遵並可殿中丞李昭慶可太子中舍制 勅某等朕稽勞
 類能博考眾職限年增秩泛勸庶工爾等用辭學之優或世資之舊進服
 王官之序屢試文史之順闡握符書參布條教居官之迹可紀課更之法
 當遵第用厥勞差進以秩墾田司府求省承華並通文石之班往服治朝
 之寵益思自效無忘稍遷 李從善可殿中丞趙沐可太子中舍制 勅
 其官某等承藉世資參服官使比更郡邑之任咸聞節素之修官下政咸
 臺中謀某參稽弗謬擢叙是宜用丞府省之職兼備儲坊之采益思慎履
 無忝褒恩韓維南陽集殿中丞魏宏可國子博士大理寺丞陳太初可太
 子中舍制 勅某等三年之考非有顯勞而後陟也爾等並以幹刀列于
 事守滿歲會課於法當遷益勤所為以圖其稱可夏文莊公某翰林學士
 左司郎中知制誥李維可中書舍人餘依舊制 勅國家五壇布慶六載
 于茲庶位陟明久從於鈞校近臣凝績特舉於徽章以爾其官某瑞世明
 姿慶門華緒立言以道無外獎之勳虛已待人有不履之鑒而自陞華禁

省。刑職中臺。夙夜浚明。得大夫之體。訓詞深厚。合王者之言。而星火屢改。於新陽。車服靡登於舊數。是用簡自朕意。俾爾勞。宜正秩於綸閣。用增榮於密侍。膺茲異選。更勵乃誠。可。周益公大全集武翼郎皇甫倜與轉三官。除閤門宣贊舍人制。勅。其官某。淮漢以北。燕薊以南。民吾故民。土吾故土。淪陷雖久。其父老子弟。豈無戴宋而思自奮者乎。今爾崛起東蔡之間。刀當一面。以少擊衆。屢收僇功。朕甚嘉之。進階三等。參華上閤。未足以旌汝也。修爾車馬。礪爾鋒刃。朕將命將徂征。而與偕行焉。可。武經郎郭昇元。係敦武郎閤門祇候。緣轉武翼郎。依例除落閤職。可。特與除閤門宣贊舍人制。勅。其官某。介于諸使。即解上閤之職者例也。拔自衆人。進掌贊導之儀者。息也。例不可越。公道存焉。若夫恩以馭幸。則人主執其柄矣。往思謹畏。用稱所蒙。可。劉俊村續集武功大夫。淮西副總管。御前武勝左統制李貴。為鄂城功賞。除帶行閤門宣贊舍人制。鄂城之圍。爾當東隅。且戰且守。不解甲者百餘日。血衣猶在。谷賞可乎。既陞總戎。兼領閤職。以旌勞績。以倡勇敢。可。武功大夫。淮東總管孫安。柳世隆。淮西總管金之才。兩淮制司帳前都統制孫應武。武略大夫。淮西副總管吳思忠。武義大夫。淮西副總管朱世英。為連水戍役功賞。並除帶行閤門宣贊舍人制。

永樂大典卷三萬三千四百九十九

二十

連水之役。吾將士暴露。戰甚苦。三年然後克之。間臣以爾六人者。功狀來上。吾尤重閤職。命爾兼領。益殫志力。以報國恩。可。張紫微先生集。正使帶團練判吏閤門宣贊舍人制。士夫所重者。節義國家所恃者。人心懷節義。以立功名。其何不濟。因人心而圖恢復。亦將庶幾。覽觀獻狀之來。殊契予衷之素。其敦贊命。以勤勞動爾等。拔從行伍之中。深明逆順之理。秉心忠壯。立義不侵。遂厲良圖。以有殊績。其贊扶於諸使。仍遙領於兵團。祇服官榮。嗣有褒陟。程忠惠先生集。尚書右司員外郎馮熙載。除起居郎。陳邦光。起居舍人制。朕惟先言布於天下。文武之政。布在方冊。夫唐堯文武之世。尚矣。豈非當世史氏得其所託。然歟。朕躬御治朝。日慎萬幾。凡君臣相與吁俞。議論與夫國之大政。事典禮成。書之簡策。委于爾近侍之臣。或言而不文。則不足行遠事。而不實。則不足傳信爾等。當於問學。其為朕書法不隱。以詔天下。後世豈非汝國之良史乎。周麟之海陵集。唐文若。除起居郎。王剛中。除起居舍人制。左右史雖以記言動為職。而論思獻納。實視從臣。地近扶清。每加遴選。故本朝用士。多取於蘭臺之英。苟非其人。不輕授受。以爾文若。學瞻而詞蔚。似其先人。以前剛中行。峻而才清。嘗與前列。或於石渠。有博覽之譽。或於蓬觀。有佐謨之功。肆茲同陞。載筆入侍。惟

永樂大典

卷一三四九九

守官以括正。惟臨陛以盡恭。朕於此除。觀汝遠器。可陳止齋。集起居舍人兼侍講劉光祖。除起居郎。司農少卿鄧駟。除起居舍人制。勅具官某。在右史。朕所嘉賴。以謹言勳。爰自嗣服。儀罔其人。皆舊學也。爾光祖。駟。頃在儲寮。蔚為國士。而光祖。繇臺。駟。繇騎。省各以論事。不避權近。俄而去國。朕甚懷之。蓋嘗歎息。安得三益。以自近也。今茲歸止。實慰我心。其以光祖。序進左。駟。擢居右。陸。豈徒以是為私乎。其繼自今。直筆在前。則出入不欽。既令不城。將懼思焉。爾其懋哉。勿替初意。可。劉。後。村。續。集。共。堅。除。起居郎。徐。復。除。起居舍人制。朕考累朝之記注。嘉先正之忠賢。襄援臺端。綱條水沴。良貴叱對。班之久。且銓。政和議之非。雖異時。各極騰上之榮。然萬世猶杜。直前之舉。乃登。推望。以繼高風。爾暨。珪。璧。其身。端介。不容於。是。質爾。復。玉。雪。之。操。清。貧。無。改。於。神。權。亦。既。于。于。而。來。未。嘗。汲。汲。於。進。居。然。為。曲。臺。道。山。之。重。進。之。侍。玉。階。香。案。之。修。戲。言。出。於。思。當。澁。剪。桐。之。際。大。事。書。之。策。可。無。執。簡。之。人。妙。躬。有。賴。於。論。思。元。子。亦。煩。於。輔。導。噫。祈。招。詩。未。遠。民。史。不。知。之。乎。起。居。注。不。書。天。下。亦。記。之。矣。祇。若。于。訓。益。修。爾。官。可。胡。文。恭。公。集。徐。宗。况。可。兵。部。員。外。郎。陳。旭。共。奎。可。起。居。舍。人。制。勅。某。等。朕。永。思。孝。道。儀。刑。前。王。即。路。獲。之。秘。嚴。修。合。宮。之。齋。享。率。義。而。尊。配。典。明。德。

永樂大典卷之三十四九十九

主

以薦馨香。神靈居歆。天人合况。因以乎朝慶之典。特則乎諫雷之臣。以爾宗况。行義清脩。志力強正。以爾旭風。識經遠。學術研幽。以爾奎方。潔無滄。勁正不撓。並以疎望。而充本朝。或睿冠惠文。論事有切劇之益。或入對制策。納忠無回隱之私。置之諫垣。補我闕職。復能奮跡直道。數進苦言。連齋被之陪祠。率嚴恭而服禮。熙成受社。覃施澤。勞入妙一臺。進繼二史。往承茲。滋。益。思。而。忠。劉。行。簡。苦。淡。集。程。克。俊。起。居。郎。王。錄。起。居。舍。人。制。勅。具。官。某。朕。設。左。右。柱。史。之。職。藉。筆。殿。坳。言。動。必。書。實。用。自。警。非。但。率。循。故。事。而已。選。任。之。重。異。於。廢。工。惟。克。俊。錄。博。物。能。言。絕。出。倫。類。錄。由。識。擢。克。俊。次。選。敏。自。朕。心。式。昭。寵。遇。勉。之。無。數。將。觀。爾。能。可。虞。倚。專。白。堂。集。王。容。起。居。郎。章。良。能。起。居。舍。人。制。朕。惟。左。右。史。之。並。建。所。以。記。人。君。之。言。勳。無。之。萬。世。以。為。信。書。其。責。顧。不。重。哉。爾。容。萬。言。之。策。嘗。冠。倫。魁。粵。自。典。州。晉。登。郎。省。爾。良。能。華。國。之。文。見。推。士。類。袖。書。東。觀。兼。直。北。扉。即。其。識。拔。之。優。庸。在。選。梅。之。數。爾。其。務。存。直。筆。君。舉。必。書。庶。幾。朕。每。臨。期。有。以。自。警。

永樂大典卷之一萬三千四百九十九

永樂大典

卷一三五〇六

總纂 官 侍郎 臣 秦 鴻 書

學士 臣 王 大 任

分 校 官 修 撰 臣 諸 大 綬

書 寫 儒 士 臣 曹 一 奇

圖 點 監 生 臣 林 汝 松

臣 董 仲 幹